

四庫禁燬書叢刊編纂委員會

北京出版社

四庫禁燬書叢刊

四庫禁燬書叢刊編纂委員會

北京出版社

四庫禁燬書叢刊

史部第七冊目次

松陵文獻十五卷

〔清〕潘耒撰
清康熙三十二年潘耒刻本

康濟譜二十五卷

〔明〕潘游龍輯
明崇禎刻本

..... 一
..... 一五一

松陵文獻十五卷

〔清〕潘耒章撰

清康熙三十二年潘耒刻本

北京大學圖書館藏

松陵文獻序

吳江始立縣在錢氏有國時志書昉於宋長文之圖經寶德遠吳本史鑑陳理周永年皆有作並佚不傳唯莫氏徐氏二志存焉莫志詳而體裁未備徐志簡而疎漏甚多自嘉靖至明末又百餘年曠無紀述亡兄力田乃爲松陵文獻一書獻以紀先賢之事蹟文以錄邑人之詩文文集未成而遭潯溪之禍獻集得諸燼餘後三十年未乃克校而梓之嗚呼史學之廢文人爲之也史以載事事欲其核事苟核矣文卽不

松陵文獻

序

勝無害事未核而緣飾之以文失實亂真貽誤千載弊孰甚焉昔人以曠世之才作一書嘗三四十年而後成豈其文詞之難耶罔羅事跡博考而精裁之是爲難耳今之自命爲文人者方其讀史專求文章之波瀾意度用以資其爲文一旦操史筆亦惟求工於文詞而事跡之虛實紀載之牴牾有所不暇計若然則苟據一家之書稍加潤色卽可成史馬班氏何須父子世爲之溫公何用集天下博達之士十九年而後成通鑑耶亡兄與吳先生草創明史先作長編聚

松陵文獻

序

一代之書而分劃之或以事類或以人類條分件繫彙羣言而駢列之異同自出叅伍鈎稽歸於至當然後筆之於書其詳且慎如此庶幾不失古人著書之法若松陵文獻一邑之書耳亦用此法爲之凡閱前代之史明朝之實錄天下之志乘古今人之文集有一字涉於吾邑者卽鈎摘疏記積累成編非直嘉靖以後自撰百二十餘傳而已也於徐莫二志更定者六十餘傳增立者又六十餘傳訂譌補闕確有根柢文辭簡質不事浮華無溢美無支辭嗚呼良史如馬遷而班固稱之不過曰其文直其事核苟直且核史家之能事畢矣自歐陽公後知此義者蓋寡未嘗備員史館博觀近代文人之作而益服亡兄之善著書深痛其史之散佚而幸此書猶存謹刻之以行世益吾邑之文獻得此而後足徵且使人因此書以想見亡兄史書之大畧與其結撰之苦心則雖不傳猶傳也已

康熙癸酉臘月旣望弟永拜述

潘樾章傳

邑人戴笠撰

載發潛錄

潘樾章字聖木一字力田叅政志伊之曾孫父凱邑諸生高才績學德清章日矧其婦翁也來知吳江縣凱淩自晦匿惟陰言民間利病雪人冤抑一無所私人多其義樾章生有異稟穎悟絕人九歲從父受文裁過目燼於燈責令覆寫不差一字年十五補桐鄉弟子員亂後棄去隱居韭溪肆力於學綜貫百家天文地理皇極太乙之學無不通曉已乃專精史事謂

松陵文獻

一

諸史惟馬遷書最有條理後人多失其意欲倣之作明史記而友人吳炎所見略同遂與同事樾章分撰本紀及諸志炎分撰世家列傳其年表曆法則屬諸王錫闡流寇志則笠任之私家最難得者實錄樾章鬻產購得之而崑山顧炎武江陰李遜之長洲陳濟生皆熟於典故家多藏書並出以相佐樾章長於考核炎長於叙事互相討論間出其藁質之錢宗伯謙益謙益大善之歎曰老夫耄矣不圖今日復見二君終雲樓餘燼尚在當悉以相付連舟載其書歸謙益

有實錄辨證樾章作國史考異頗加駁正數貽書往復謙益不能奪也撰述數年其書既成十之六七而南潯莊氏史獄起叅閱有樾章及炎名俱及於難莊氏書以故閣臣朱國禎史槩爲粉本自與苕士共足成之刻成兩人未嘗寓目徒以名重爲所摭引遂罹慘禍天下旣惜兩人之才更痛其書之不就并已就者亦不傳也樾章被逮神色揚揚如平時在獄賦詩不輟癸卯六月死於杭年三十八妻沈氏中書自炳之女隨坐北徙以有身不卽死齋藥自隨旣免身至

松陵文獻

二

廣寧所生子又死卽日飲藥自殺樾章秀眉廣額目光炯炯射人論事鬚髯戟張事親孝與人忠疾惡如讐赴義若渴所著自史藁外有今樂府國史考異松陵文獻杜詩博議星名考士林韭溪集凡若干卷

松陵文獻目錄 獻集

第一卷

人物志一

莊忌 子助

張儼

張翰

陸雲公 子瓊

顧野王

陸從典

陸龜蒙

第二卷

人物志二

松陵文獻

目錄

謝濤 子絳

魏憲

王份

范成大 趙疇老附

莫大猷 子子文

盛明遠

譚大年

甯居仁

王原傑 子思忠

徐仁榮

章德剛

崔天德 子齡

第三卷

人物志三

莫禮 張璉 李鼎 徐行 馬達
竇德遠

葛德昭

吳簡

曾日章

平思忠

何源

黃玘 子著

盛景

范琮

梅倫

馬忠

莫震

鈕文

莫昂

徐琰 父真

沈信

第四卷

松陵文獻

目錄

人物志四

汝訥 父思聰 子泰

吳璠 從子 璿

葉紳 孫可成

吳洪 子山巖

王哲

沈漢

陸金

何遵 王璽

第五卷

人物志五

盛應期

陳天祥

曹璞

王守

吳琨	顧寬
龐鏞	吳成
顧宗義	李濟
沈忠 弟孝	陸恒
陸雲衢	戴天叙
吳承恩	蕭雲程
吳允夏 曾祖秀	陳國珍
孔尚賢	陳清
廷紹原	陳允滋
松陵文獻	目錄
第九卷	五
人物志九	
文學	
謝景初	盛興
張淵	黃本
凌昌	陳謨 徐彰
陳玠 從弟琮	鄒奕
沈餞	蕭規
朱應辰	陶振

梁時	吳驥 子鉉
莫旦	趙寬
姚明	崔徵
王寵	陳九章
陳理	朱旦
陳策	張銓
顧大典	沈璟
莊元臣	俞安期
潘一桂	卜舜年 莊汝培湯三俊
松陵文獻	目錄
周永年	沈自然
吳翽	史玄 趙渙
第十卷	六
人物志十	
隱逸	
朱象先	松江漁翁
李無晦	孫銳
朱良實	顧諒
張璫	謝常

尹寬	史鑑
曹孚	王雲
王叔承	沈汝和
朱鷺	翁遜
包捷	徐白 趙瀚
戴笠 章夢易顧偉	吳宗潛 弟宗漢宗泌從子 炎葉繼武吳珂
張雋 董二酉	吳祖錫
王錫闡	朱鶴齡
顧有孝 周安	朱明德 計大章王載
松陵文獻	目錄
張嘉玲	七
第十一卷	
人物志十一	
高僧	
德一	善如
祖瑛	原妙
弘道	古拙俊
真正堂	寶南琛
壽無瑕	智瑄

真可	性冲
通問	通賢
道術	
陳昉	富恕
雲外道者	胡道安
楊茂林	鄧青陽
俞嗣宗	
藝能	
馬孜	盛寅 弟宏子俱從子倫
松陵文獻	目錄
盛伯瑄	康仲康
周孟堅	陸復
鄒明	沈與齡
周叔宗	張金
皇甫焯	黃宸
第十二卷	
人物志十二	
列女	
張二娘	獨吉氏

阮妙瞻	楊六娘
錢氏	陸氏
凌淑貞	張福真
王氏	沈氏
顧氏	陸潔
錢如縈 沈氏附	黃氏
費氏	沈氏
沈氏	姜氏
凌貞女	沈氏
松陵文獻	目錄
何氏	周氏
張氏 張氏程氏附	顧氏
許氏徐氏顧氏沈氏	張氏 邵七妻附
張氏	顧詭妻 陳氏吳氏附
徐氏 謝妻附	沈氏 邵一妻附
陳五媳	徽商二婦
徐氏	
寓賢	
方滋	楊維棫

錢惟善	倪瓚
丁敏	董遠
王禧	李幹
張明善	
第十三卷	
官師志一	
盛斌	司馬福
趙球	馬尊
李問	王庭堅
松陵文獻	目錄
張先	裴煜
孫覺	林肇
程端	向子韶
曾懋	程俱
徐勣	李光
石公輒	徐似道
李衡	柳楹
趙廣	莫若冲
袁詔	張達明

孫子秀	呂祖憲	王柔	李楮	哈刺哈孫	皇甫壁	張顯祖	干文傳	第十四卷	官師志二	孔克中	松陵文獻	廖欽	陳耘	陳敏	李昇	葉錫	劉彪	韓槃	孫顯	金洪
張居敬	劉幹	蔣奎	邢寬	賈憲	王懋本	梁和	陳堯弼	王鑑	郭郭	那海	段廷珍	高仁	唐棣	孫子秀	王柔	李楮	哈刺哈孫	皇甫壁	張顯祖	干文傳
士	目錄																			

張玄	劉澤	徐欽	喻時	萬思謙	李遷梧	李三省	第十五卷	官師志三	劉時俊	松陵文獻	霍維華	熊開元	葉翼雲	趙鈞	袁時億	楊弼	陳賓	陳用貞	王維孝
張明道	王國光	楊芷	吳一本	馮任	晏清	章日煥	林喆	瞿莊	丁侃	林彤	劉文輝	梁炬	蔣弘憲	張玄	張明道	王國光	楊芷	吳一本	馮任
士	目錄																		

解學臯

陳國器

本義文狀

目錄

圭

邑人潘樸章力田授

人物志一

漢

莊忌 子助

莊忌會稽吳人也漢興諸侯王皆自治民聘賢吳王
濞招致遊士忌與齊鄒陽淮陰枚乘等俱仕吳皆以
文辭著名而忌尤尊重號曰莊夫子久之吳王以太
子事怨望稱疾不朝陰有邪謀鄒陽奏書諷之不納

松陵文獻

卷一

於是忌等知吳不可說皆去之梁是時梁孝王以景
帝少弟貴盛好詞賦得忌等大喜皆善遇之嘗從入
朝蜀人司馬相如見而悅焉因免官客遊梁於是諸
侯遊士莫不畢至而齊人牟勝公孫詭多奇邪計得
幸於王教王求為漢嗣刺殺議臣袁盎等天子疑之
使者冠蓋相望責梁王王始與勝詭有謀鄒陽爭以
為不可被讒下吏忌等皆不敢諫及梁事敗勝詭死
王幾危賴陽入長安說王長君乃得解事具漢書鄒
陽傳忌有高節善辭賦亞於相如作哀時命篇宋朱

熹以為得騷人遺旨云

莊助忌之子也或言族家子也郡舉賢良對策百餘
人武帝善助對獨擢助為中大夫其後征伐四夷軍
旅數發內改制度朝廷多事屢舉賢良文學之士公
孫弘起徒步數年至丞相開東閣延賢人與謀議朝
觀奏事因言國家便宜上令助等與大臣辨論中外
相應以義理之文大臣數詘其尤親幸者助與東方
朔枚臯吾丘壽王司馬相如相如嘗稱疾遜事朔臯
不根持論上頗俳優畜之唯助與壽王見任用而助

松陵文獻

卷一

二

最先進建元三年閩越舉兵圍東甌東甌告急於漢
帝以問太尉田蚡蚡以為越人相攻擊其常事又數
反覆不足煩中國往救也自秦時棄不屬於是助詰
蚡曰特患力不能救德不能覆誠能何故棄之且秦
舉咸陽而棄之何但越也今小國以窮困來告急天
子不振尚安所愬又何以子萬國乎上曰太尉不足
與計吾新即位不欲出虎符發兵郡國乃遣助以節
發兵會稽會稽守欲距法不為發助乃斬一司馬諭
意指遂發兵浮海救東甌未至閩越引兵罷後三歲

閩越復興兵擊南越南越守天子約不敢擅發兵而
上書以聞上多其義大為發興遣兩將軍將兵誅閩
越淮南王安上書諫會閩越王弟餘善殺王以降漢
兵出踰嶺而罷上嘉淮南之意美將卒之功乃令助
諭意風指於南越南越王即遣太子隨助入侍助還
又奉詔書諭淮南王王上書陳謝上大悅助繇是與
淮南王相結王志堅曰東甌南越是二事二時王志
上書句然則何刪去數句似合為一事又刪去淮南王
故諭淮南耶助侍燕從容上問助居鄉里時助對
曰家貧為友壻富人所辱上問所欲對願為會稽太

松陵文獻

卷一

三

守於是拜為會稽太守數年不聞問賜書曰制詔會
稽太守君厭承明之廬勞侍從之事懷故土出為郡
吏會稽東接於海南近諸越北枕大江間者濶焉久
不聞問具以春秋對毋以蘇秦從橫助恐上書謝稱
春秋天王出居於鄭不能事母故絕之臣事君猶子
事父母也臣助常伏誅陛下不忍加誅願奉三年計
最詔許因留侍中有奇異輒使為文及作賦頌數十
篇後淮南王來朝厚賂遣助交私論議及淮南王反
事與助相連上薄其罪欲勿誅廷尉張湯爭以為助

出入禁門腹心之臣而外與諸侯交私如此不誅後
不可治助竟棄市始助與邑子朱買臣俱侍中貴用
事湯尚為小吏趨走二人前後湯排陷助又知買臣
素貴故陵折之買臣見湯坐牀上弗為禮買臣深怨
嘗欲死之後遂告湯陰事湯自殺上亦誅買臣

潘子曰漢書稱莊夫子義至高然見幾遠引不肯正
言強諫用免於禍武帝征伐之謀發端於南越而助
贊成之世咸惜張湯陷助以漢文然楚士深怨好招
權利其為人與朱買臣相類先後並為會稽守而誅

松陵文獻

卷一

四

死亦同豈不哀哉莊氏後避孝明帝諱改為嚴氏今
忌墓在邑西南境爛溪之傍號為嚴墓邨郡邑二志
皆誤以為助墓考嘉興志助墓在郡城天寧寺後忌
墓在嘉興縣新城鎮今助墓在寺後者碑記尚存而
新城之忌墓莫知其處以地圖考之嚴墓在新城北
僅數里舊屬秀州則其為忌墓也明矣吳郡志有嚴
助傳頗畧姑蘇志差詳而皆不載其父忌豈以布衣
輕於侍中耶余故因漢書本傳稍為詮次著於篇

吳

張儼子勃

張儼字子節吳時縣境未分故吳錄稱儼吳人儼童少知名常與張純朱異同詣將軍朱據據欲試之語曰老鄙相聞飢渴甚矣爲吾各賦一物夫腰褭以迅驟爲功鷹隼以輕疾爲妙何必積思三人皆隨目立成據大悅儼賦犬云守則有威出則有獲韓盧宋鵲書名竹帛儼經緯博識族人張溫稱之曰吾家顏子也拜大鴻臚吳寶鼎元年正月與五官中郎將使晉弔文帝喪吳王皓曰今南北通好以君有出境之才故相屈行儼對曰皇皇者

松陵文獻卷一

五

華臣蒙其榮惟古人延譽之美磨勵鋒鏑思不辱命既至晉賈充裴秀荀勗等欲傲以所不知而不能尚書僕射羊祜尚書何禎並與結好及還道卒子勃撰吳錄三十卷翰自有傳

晉

張翰

張翰字季鷹有清才善屬文詞義新麗造次立成而縱任不拘時人號爲江東步兵會稽賀循赴命入維經吳閶門于舟中彈琴翰初不相識乃就循語大悅

之問循知其入維曰吾亦有事北京卽同載而去不

告家人晉泰安元年齊王冏辟爲大司馬東曹掾翰謂同郡顧榮曰天下紛紛禍難未已夫有四海之名者求退良難吾本山林間人無望於時子善以明防前以智慮後榮執其手愴然曰吾亦與子采南山蕨飲三江水耳翰見秋風起乃思吳中菰菜蓴羹鱸魚膾曰人生貴適志何能羈宦數千里以要名爵乎作思吳江歌遂命駕歸俄而冏敗人謂之見幾翰任心自適不求當世或謂之曰卿乃可縱適一時獨不爲

松陵文獻卷一

六

身後名耶答曰使我有身後名不如卽時一盃酒性至乖遭母喪哀毀過禮年五十七卒有首丘賦及詩文數十篇宋乾道三年知縣趙伯虛祀翰與范蠡陸龜蒙於淞江之上題曰三高祠至今有司春秋奉祀弗絕也

梁

陸雲公

子璩

陸雲公字子龍父完字楚卿梁寧遠長史雲公五歲誦論語毛詩九歲讀漢書略能記憶從祖璉與沛國

劉顯質問十事雲公對無所失顯稱異之及長州舉秀才累遷宣惠武陵王平西湘東王繹行參軍雲公先製太伯廟碑吳興太守張纘讀其文歎曰今之蔡伯喈也纘至都掌選言之武帝召爲尚書儀曹郎入直壽光省知著作郎事累遷中書黃門郎兼掌著作雲公善奕碁常夜侍坐武冠觸燭火帝笑謂曰燭燒卿貂帝將用爲侍中故以此戲之時天泉池新製編魚舟形狹而短帝暇日常泛此舟唯引劉之遴到溉朱異雲公年位尚輕亦與焉人以爲寵太清元年卒

年三十七葬橫山至今居人呼爲陸墓山在邑西北境徐志以雲公爲梁門下侍郎不考之過耳張纘與其叔襄兄晏子書曰黃門頌逝非惟貴門喪寶實有識同悲其爲士流推重如此有文集傳於世子瓊字伯玉六歲能詩大同末父雲公受武帝詔較定碁品到觀朱異並集瓊時八歲於客前覆局繇是都下號曰神童武帝召見風神警亮進退詳審帝甚異之年十一居父喪有至性從祖襄歎曰此兒必荷門基所謂一不爲少及侯景亂攜母避地於縣之西鄉讀書晝夜無怠遂博學善

屬文陳天嘉中以文學遷尚書殿中郎爲文帝所知會討周迪陳寶應等都官符及諸大手筆並勅付瓊遷新安王文學掌東官管記宣帝爲司徒妙簡僚佐吏部尚書徐陵薦瓊識具優敏文史足用進居郎署歲月過淹乃除司徒左西掾尋兼通直散騎常侍齊大建中爲給事黃門侍郎轉中庶子領大著作撰國史後主卽位直中書省掌詔詰至德元年除度支尚書叅選事初雲公奉梁武帝敕撰嘉瑞記瓊述其旨而續焉自永定迄於至德勒成一家之言遷吏部尚書著作如故瓊詳練譜牒雅有識鑒居吏部號爲稱職性謙儉位望雖隆執志愈下第宅輿服不尚侈靡俸祿所入散之宗族家無餘財暮年淡懷止足思避權要恒稱疾不視事會遭母喪詔加贈卹後主自製誌銘瓊哀毀太過至德四年卒有文集二十卷子從典自有傳

陳

顧野王

顧野王字希馮是時吳江地屬吳縣故吳郡志以爲